

Poems of all units using simplified characters (77 poems)

Tang poems are numbered as in 全唐诗 [卷-诗]

(北京东方圣碟科贸有限责任公司, 2006)

Song poems are numbered as in 宋词三百首 [页]

(1st edition, 中华书局, 2009)

Older poems are numbered as in 古诗笺 [上下-卷-页]

(1st edition, 上海古籍出版社, 1980)

Deviations from these texts are marked.

The simplification of some characters is not straightforward,  
I have used the more differentiated version, e.g. 蘋 (苹)、馀 (余)

Unit 2

**王勃：杜少府之任蜀州** [56-11]

城阙俯三秦，风烟望五津。  
与君离别意，同是宦游人。  
海内存知己，天涯若比邻。  
无为在歧路，儿女共沾巾。

[辅→俯、歧→歧]

Unit 7

**王维：鹿砦** [128-27]

空山不见人，但闻人语响。  
返景入深林，复照青苔上。

[柴→砦、景：read as 影]

**王维：竹里馆** [128-39]

独坐幽篁里，弹琴复长啸。  
深林人不知，明月来相照。

**孟浩然：春晓** [160-187]

春眠不觉晓，处处闻啼鸟。  
夜来风雨声，花落知多少。

Unit 12

**王之涣：登鹳雀楼** [253-1]

白日依山尽，黄河入海流。  
欲穷千里目，更上一层楼。

**柳宗元：江雪** [352-55]

千山鸟飞绝，万径人踪灭。  
孤舟蓑笠翁，独钓寒江雪。

**贾岛：寻隐者不遇** [574-100]

松下问童子，言师采药去。  
只在此山中，云深不知处。

**陈子昂：登幽州台歌** [83-32]

前不见古人，后不见来者。  
念天地之悠悠，独怆然而涕下。

Unit 15

**李白：自遣** [182-29]

对酒不觉暝，落花盈我衣。  
醉起步溪月，鸟还人亦稀。

李白：夜思 [165-19]

床前明月光，疑是地上霜。  
举头望明月，低头思故乡。

[静夜思→夜思、望明月→望山月]

刘长卿：送灵澈 [147-19]

苍苍竹林寺，杳杳钟声晚。  
荷笠带斜阳，青山独归远。

[送灵澈上人→送灵澈、夕→斜]

李白：赠内 [184-52]

三百六十日，日日醉如泥。  
虽为李白妇，何异太常妻。

张融：别诗 [上-9-298]

白云山上尽，清风松下歇。  
欲识离人悲，孤台见明月。

李白：听蜀僧濬弹琴 [183-19]

蜀僧抱绿绮，西下峨眉峰。  
为我一挥手，如听万壑松。  
客心洗流水，余响入霜钟。  
不觉碧山暮，秋云暗几重。

Unit 16

张若虚：春江花月夜 [117-20]

春江潮水连海平，海上明月共潮生。  
滟滟随波千万里，何处春江无月明。  
江流宛转绕芳甸，月照花林皆似霰。  
空里流霜不觉飞，汀上白沙看不见。  
江天一色无纤尘，皎皎空中孤月轮。  
江畔何人初见月，江月何年初照人。  
人生代代无穷已，江月年年祇相似。  
不知江月待何人，但见长江送流水。  
白云一片去悠悠，青枫浦上不胜愁。  
谁家今夜片舟子，何处相思明月楼。  
可怜楼上月裴回，应照离人妆镜台。

玉户帘中卷不去，捣衣砧上拂还来。  
此时相望不相闻，愿逐月华流照君。  
鸿雁长飞光不度，鱼龙潜跃水成文。  
昨夜闲潭梦落花，可怜春半不还家。  
江水流春去欲尽，江潭落月复西斜。  
斜月沉沉藏海雾，碣石潇湘无限路。  
不知乘月几人归，落月摇情满江树。

[只→祇、但→旦、扁舟→片舟]

Unit 17

杜甫：江边星月 [232-30]

骤雨清秋夜，金波耿玉绳。  
天河元自白，江浦向来澄。  
映物连珠断，缘空一镜升。  
馀光隐更漏，况乃露华凝。

Unit 18

李白：把酒问月 [179-21]

青天有月来几时，我今停杯一问之。  
人攀明月不可得，月行却与人相随。  
皎如飞镜临丹阙，绿烟灭尽清辉发。  
但见宵从海上来，宁知晓向云间没。  
白兔捣药秋复春，嫦娥孤栖与谁邻。  
今人不见古时月，今月曾经照古人。  
古人今人若流水，共看明月皆如此。  
唯愿当歌对酒时，月光长照金樽里。

Unit 19

李白：月下独酌 [182-6/1]

花间一壶酒，独酌无相亲。  
举杯邀明月，对影成三人。  
月既不解饮，影徒随我身。  
暂伴月将影，行乐须及春。  
我歌月徘徊，我舞影零乱。  
醒时同交欢，醉后各分散。  
永结无情游，相期邈云汉。

[裴回→徘徊]

## Unit 20

### 杜甫：月圆 [230-35]

孤月当楼满，寒江动夜扉。  
委波金不定，照席绮逾依。  
未缺空山静，高悬列宿稀。  
故园松桂发，万里共清辉。

### 王建：十五夜望月寄杜郎中 [301-120]

中庭地白树栖鸦，冷露无声湿桂花。  
今夜月明人尽望，不知秋思在谁家。

[ 蛉→冷、谁→何 ]

### 白居易：村夜 [437-84]

霜草苍苍虫切切，村南村北行人绝。  
独出门前望野田，月明荞麦花如雪。

[ 前门→门前 ]

## Unit 21

### 王昌龄：同从弟销南斋玩月 忆山阴崔少府 [140-20]

高卧南斋时，开帷月初吐。  
清辉淡水木，演漾在窗户。  
苒苒几盈虚，澄澄变今古。  
美人清江畔，是夜越吟苦。  
千里其如何，微风吹兰杜。

### 张九龄：望月怀远 [48-65]

海上生明月，天涯共此时。  
情人怨遥夜，竟夕起相思。  
灭烛怜光满，披衣觉露滋。  
不堪盈手赠，还寝梦佳期。

## 杜甫：月夜 [224-60]

今夜鄜州月，闺中只独看。  
遥怜小儿女，未解忆长安。  
香雾云鬟湿，清辉玉臂寒。  
何时倚虚幌，双照泪痕干。

## Unit 22

### 金昌绪：春怨 [768-36]

打起黄鸟儿，莫教枝上啼。  
啼时惊妾梦，不得到辽西。

[ 莺→鸟 ]

### 李端：闺情 [286-66]

月落星稀天欲明，孤灯未灭梦难成。  
披衣更向门前望，不忿朝来鹊喜声。

### 温庭筠：瑶瑟怨 [579-16]

冰簟银床梦不成，碧天如水夜云轻。  
雁声远过潇湘去，十二楼中月自明。

### 李商隐：嫦娥 [540-84]

云母屏风烛影深，长河渐落晓星沉。  
嫦娥应悔偷灵药，碧海青天夜夜心。

[ 常→嫦、沈→沉、常→嫦 ]

## Unit 23

### 杜审言：和晋陵陆丞早春游望 [62-11]

独有宦游人，偏惊物候新。  
云霞出海曙，梅柳渡江春。  
淑气催黄鸟，晴光转绿蘋。  
忽闻歌古调，归思欲沾巾。

武元衡：春兴 [317-53]

杨柳阴阴细雨晴，残花落尽见流莺。  
春风一夜吹香梦，梦逐春风到洛城。

王之涣：凉州词 [253-3/1]

黄河远上白云间，一片孤城万仞山。  
羌笛何须怨杨柳，春风不度玉门关。

李白：春思 [165-25]

燕草如碧丝，秦桑低绿枝。  
当君怀归日，是妾断肠时。  
春风不相识，何事入罗帏。

白居易：杨柳枝词八首，其八  
[454-78/8]

人言柳叶似愁眉，更有愁肠似柳丝。  
柳丝挽断肠牵断，彼此应无续得期。

Unit 24

王维：过香积寺 [126-50]

不知香积寺，数里入云峰。  
古木无人径，深山何处钟。  
泉声咽危石，日色冷青松。  
薄暮空潭曲，安禅制毒龙。

常建：题破山寺后禅院 [144-36]

清晨入古寺，初日照高林。  
竹径通幽处，禅房花木深。  
山光悦鸟性，潭影空人心。  
万籁此俱寂，惟余钟磬音。

[都→俱、但→惟]

Unit 25

柳宗元：晨诣超师院读禅经  
[351-7]

汲井漱寒齿，清心拂尘服。  
闲持贝叶书，步出东斋读。  
真源了无取，妄迹世所逐。  
遗言冀可冥，缮性何由熟。  
道人庭宇静，苔色连深竹。  
日出雾露馀，青松如膏沐。  
澹然离言说，悟悦心自足。

Unit 26

杜甫：法镜寺 [218-25]

身危适他州，勉强终劳苦。  
神伤山行深，愁破崖寺古。  
婵娟碧藓净，萧索寒箴聚。  
回回山根水，冉冉松上雨。  
泄云蒙清晨，初日翳复吐。  
朱甍半光炯，户牖粲可数。  
拄策忘前期，出梦已亭午。  
冥冥子规叫，微径不敢取。

[鲜→藓、撼→索、萝→梦、  
复→敢]

Unit 27

卢纶：题兴善寺后池 [279-31]

隔窗栖白鹤，似与镜湖邻。  
月照何年树，花逢几遍人。  
岸莎青有路，苔径绿无尘。  
永愿容依止，僧中老此身。

卢纶：宿石瓮寺 [279-35]

殿有寒灯草有萤，千林万壑寂无声。  
烟凝积水龙蛇蛰，露湿空山星汉明。  
昏霭雾中悲世界，曙霞光里见王城。  
回瞻相好因垂泪，苦海波涛何日平。

Unit 28

白居易：大林寺桃花 [439-61]

人间四月芳菲尽，山寺桃花始盛开。  
长恨春归无觅处，不知转入此中来。

白居易：西湖晚归回望孤山寺赠诸客 [443-54]

柳湖松岛莲花寺，晚动归桡出道场。  
卢橘子低山雨重，棕榈叶战水风凉。  
烟波澹荡摇空碧，楼殿参差倚夕阳。  
到岸请君回首望，蓬莱宫在海中央。

Unit 29

陶渊明：归田园居五首，其一 [上-6-155/1]

少无适俗韵，性本爱丘山。  
误落尘网中，一去十三年。  
羁鸟恋旧林，池鱼思故渊。  
开荒南野际，守拙归园田。  
方宅十馀亩，草屋八九间。  
榆柳荫后檐，桃李罗堂前。  
暧暧远人村，依依墟里烟。  
狗吠深巷中，鸡鸣桑树颠。  
户庭无尘杂，虚室有馀闲。  
久在樊笼里，复得返自然。

[陶潜→陶渊明、三十年→十三年、颠→颠]

陶渊明：饮酒，其五 [上-6-160/5]

结庐在人境，而无车马喧。  
问君何能尔，心远地自偏。  
采菊东篱下，悠然见南山。  
山气日夕佳，飞鸟相与还。  
此中有真意，欲辩已忘言。

[陶潜→陶渊明、辩→辩]

Unit 30

帛道猷：陵峰采药触兴为诗 [上-5-137]

连峰数千里，修林带平津。  
云过远山翳，风至梗荒榛。  
茅茨隐不见，鸡鸣知有人。  
闲步践其径，处处见遗薪。  
始知百代下，故有上皇民。

柳宗元：秋晓行南谷经荒村 [352-48]

杪秋霜露重，晨起行幽谷。  
黄叶覆溪桥，荒村唯古木。  
寒花疏寂历，幽泉微断续。  
机心久已忘，何事惊麋鹿。

Unit 31

章碣：桃源 [669-3]

绝壁相敲是洞门，昔人从此入仙源。  
数株花下逢珠翠，半曲歌中老子孙。  
别后自疑园吏梦，归来谁信钓翁言。  
山前空有无情水，犹绕当时碧树村。

[敲→敲]

常建：三日寻李九庄 [144-48]

雨歇杨林东渡头，永和三日荡轻舟。  
故人家在桃花岸，直到门前溪水流。

张旭：桃花溪 [117-2]

隐隐飞桥隔野烟，石矶西畔问渔船。  
桃花尽日随流水，洞在清溪何处边。

李白：山中问答 [178-5]

问余何意栖碧山，笑而不答心自闲。  
桃花流水窅然去，别有天地非人间。

Unit 32

柳宗元：渔翁〔353-31〕

渔翁夜傍西岩宿，晓汲清湘燃楚竹。  
烟销日出不见人，欸乃一声山水绿。  
回看天际下中流，岩上无心云相逐。

綦毋潜：春泛若耶溪〔135-2〕

幽意无断绝，此去随所偶。  
晚风吹行舟，花路入溪口。  
际夜转西壑，隔山望南斗。  
潭烟飞溶溶，林月低向后。  
生事且弥漫，愿为持竿叟。

Unit 33

贾岛：题李凝幽居〔572-48〕

闲居少邻并，草径入荒园。  
鸟宿池边树，僧敲月下门。  
过桥分野色，移石动云根。  
暂去还来此，幽期不负言。

司空曙：石井〔292-76〕

苔色遍春石，桐阴入寒井。  
幽人独汲时，先乐残阳影。

卢纶：山中咏古木〔280-4〕

高木已萧索，夜雨复秋风。  
坠叶鸣丛竹，斜根拥断蓬。  
半侵山色里，长在水声中。  
此地何人到，云门去亦通。

Unit 34

韦应物：寄全椒山中道士〔188-31〕

今朝郡斋冷，忽念山中客。  
涧底束荆薪，归来煮白石。  
欲持一瓢酒，远慰风雨夕。  
落叶满空山，何处寻行迹。

刘长卿：寻南溪常山道人隐居〔148-37〕

一路经行处，莓苔见履痕。  
白云依静渚，春草闭闲门。  
过雨看松色，随山到水源。  
溪花与禅意，相对亦忘言。

温庭筠：处士卢岵山居〔581-6〕

西溪问樵客，遥识主人家。  
古树老连石，急泉清露沙。  
千峰随雨暗，一径入云斜。  
日暮飞鸦集，满山荞麦花。

〔题卢处士山居→处士卢岵山居、  
楚→主〕

Unit 35

邱为：寻西山隐者不遇〔129-45〕

绝顶一茅茨，直上三十里。  
叩关无童仆，窥室惟案几。  
若非巾柴车，应是钓秋水。  
差池不相见，黽勉空仰止。  
草色新雨中，松声晚窗里。  
及兹契幽绝，自足荡心耳。  
虽无宾主意，颇得清净理。  
兴尽方下山，何必待之子。

〔丘→邱、扣→叩、僮→童、  
唯→惟〕

Unit 36

（无名氏）：古诗三首，其三〔上-1-12/3〕

新树兰蕙葩，杂用杜蘅草。  
终朝采其花，日暮不盈抱。  
采之欲遗谁，所思在远道。  
馨香易销歇，繁华会枯槁。  
怅望何所言，临风送怀抱。

〔其华→其花〕

(无名氏)：古诗十九首，其六  
〔上-1-1/6〕

涉江采芙蓉，兰泽多芳草。  
采之欲遗谁，所思在远道。  
还顾望旧乡，长路慢浩浩。  
同心而离居，忧伤以终老。

〔漫→慢〕

(无名氏)：古诗十九首，其九  
〔上-1-1/9〕

庭中有奇树，绿叶发华滋。  
攀条折其荣，将以遗所思。  
馨香盈怀袖，路远莫致之。  
此物何足贡，但感别经时。

〔贵→贡〕

Unit 37

刘方平：春怨〔251-23〕

纱窗日落渐黄昏，金屋无人见泪痕。  
寂寞空庭春欲晚，梨花满地不开门。

李商隐：落花〔539-113〕

高阁客竟去，小园花乱飞。  
参差连曲陌，迢递送斜晖。  
肠断未忍扫，眼穿仍欲归。  
芳心向春尽，所得是沾衣。

白居易：赋得古原草送别〔436-64〕

离离原上草，一岁一枯荣。  
野火烧不尽，春风吹又生。  
远芳侵古道，晴翠接荒城。  
又送王孙去，萋萋满别情。

谢朓：王孙游〔上-9-291〕

绿草漫如丝，杂树红英发。  
无论君不归，君归芳已歇。

〔蔓→漫〕

王融：王孙游〔乐府74-1147〕

置酒登广殿，开襟望所思。  
春草行已歇，何事久佳期。

崔国辅：王孙游〔119-23〕

自与王孙别，频看黄鸟飞。  
应由春草误，著处不成归。

刘长卿：经漂母墓〔147-123〕

昔贤怀一饭，兹事已千秋。  
古墓樵人识，前朝楚水流。  
渚蘋行客荐，山木杜鹃愁。  
春草茫茫绿，王孙旧此游。

Unit 38

李重元：忆王孙〔171〕

萋萋芳草忆王孙。  
柳外楼高空断魂。  
杜宇声声不忍闻。  
欲黄昏。  
雨打梨花深闭门。

严仁：木兰花〔231〕

春风只在园西畔，荠菜花繁胡蝶乱。  
冰池晴绿照还空，香径落红吹已断。  
意长翻恨游丝短，尽日相思罗带缓。  
宝奁如月不欺人，明日归来君试看。

〔蝴→胡〕

欧阳修：踏莎行〔28〕

候馆梅残，溪桥柳细。  
草薰风暖摇征辔。  
离愁渐远渐无穷，迢迢不断如春水。  
寸寸柔肠，盈盈粉泪。  
楼高莫近危阑倚。  
平芜尽处是春山，行人更在春山外。

Unit 39

张九龄：感遇，其一〔47-29/4〕

孤鸿海上来，池潢不敢顾。  
侧见双翠鸟，巢在三珠树。  
矫矫珍木颠，得无金丸惧。  
美服患人指，高明逼神恶。  
今我游冥冥，弋者何所慕。

〔其四→其一、颠→颠〕

张九龄：感遇，其二〔47-29/1〕

兰叶春葳蕤，桂花秋皎洁。  
欣欣此生意，自尔为佳节。  
谁知林栖者，闻风坐相悦。  
草木有本心，何求美人折。

〔其一→其二、华→花〕

张九龄：感遇，其四〔47-29/7〕

江南有丹橘，经冬犹绿林。  
岂伊地气暖，自有岁寒心。  
可以荐嘉客，奈何阻重深。  
运命惟所遇，循环不可寻。  
徒言树桃李，此木岂无阴。

〔其七→其四、唯→惟〕

Unit 40

柳宗元：笼鹰词〔353-25〕

凄风淅沥飞严霜，苍鹰上击翻曙光。  
云披雾裂虹霓断，霹雳掣电捎平冈。  
砉然劲翮剪荆棘，下攫狐兔腾苍茫。  
爪毛吻血百鸟逝，独立四顾时激昂。  
炎风溽暑忽然至，羽翼脱落自摧藏。  
草中狸鼠足为患，一夕十顾惊且伤。  
但愿清商复为假，拔去万累云间翔。

〔翮→剪〕

崔涂：孤雁〔679-33/2〕

几行归去尽，片影独何之。  
暮雨相呼失，寒塘独下迟。  
渚云低暗渡，关月冷遥随。  
未必逢矰缴，孤飞自可疑。

〔度→渡〕

杜甫：鸥〔231-70〕

江浦寒鸥戏，无他亦自饶。  
却思翻玉羽，随意点青苗。  
雪暗还须浴，风生一任飘。  
几群沧海上，清影日萧萧。

〔春→青〕